

Image not found

Lirica Medievale Romanza/sites/all/themes/business/logo.png

Published on *Lirica Medievale Romanza* (<https://letteraturaeuropea.let.uniroma1.it>)

Home > BERNART DE VENTADORN > EDIZIONE > Amors, e que·us es vejaire? > Tradizione manoscritta > CANZONIERE I > Edizione diplomatica

Edizione diplomatica



Image not found

https://letteraturaeuropea.let.uniroma1.it/?q=sites/default/files/styles/330_px/public/2020-09/2_incepioli_WONDER.pdf

Bernartz del Uentedorn.

Amors equeus es ueiaire. Trobas uos fol
mais que me. Car uoletz q(ue)u si amaire. Eque
ia noi trop merce. So que(m) comandetz afaire.
Farai eu caassis coue. Mas uos no(n) estaies be. Qu-
en fassas tos tems mal traire.

Queu am la plus de bon aire. Del mon mais
de nuilla re. Et ella nomama gaire. No(n) sai p(er)-
que mes deue. Equant eu men cug estraire.
Eu no(n) puosc camors mi te. Traitz son p(er) bona
fe. Amors beus eposc retraire.

Abamor mer acontendre. Queu nomen pu-
osc mais tener. Quen tal loc mi fai entend-
re. Don eu nuill ben no(n) esper. Anz p(er) pauc mi
fera prendre. Car sol nai cor ni uoler. Mas eu
no(n) ies poder. Que(m) puosca damor defendre.

Pero amors sol del deiscendre. Lai on li uen ap-
lazer. Que(m) pot ben guizardon rendre. Del mal
trag edel doler. Tan no(m) pot mesfar ni uendre.
Que mais no(m) puosca ualer. Sol ma do(m)pnam
deing uezer. Emas paraulas entendre.

Quieu sai ben rason ecausa. P(er) q(ue)u puosc mi
donz mostrar. Que ies loniamen no(n) ausa. Ai-
ssi amor contrastar. Mas amors uenz tota cha
usa. Que(m) uenquet de lui amar. Atretal si pot
leis far. En una petita pausa.

Ben es enueis en granz nausa. De toste(m)ps me-
rcie clamar. Mas lamors ques emi clausa. No(n)
pot obrir ni serar. Ia mos cors no(n) dorm ni pau-
sa. Ni pot enu(n) loc estar. Ne eu nono puosc du-
rar. Si dolors nomna suausa.

Do(m)pna nuls hom no(n) pot dire. Lo mieu bon
cor nil talan. Queu ai quan de uos consire. Qu-
anc mais ren no(n) amei tan. Ben magro(n) mort li
sospire. Do(m)pna passat a un an. Si no(n) fos oil
bel semblan. P(er) que(m) dobloil li dezire.

Non fas mas gabar erire. Do(m)pna quan ren
uos deman. Mas si uos mamasses tan. Al re
uos nauengra dire.

- letto 374 volte